

## АҲОЛИНИНГ ИЖТИМОЙ ФАОЛИЯТИДА ЭКОЛОГИК МАДАНИЯТНИ ШАКЛЛАНТИРИШ МАСАЛАЛАРИ

Пулатова Нигораҳон Рахимжоновна,

Фарғона давлат университети “ФАЛСАФА” кафедраси ўқитувчиси,

Пулатова Мархабо Рустамовна

Фарғона давлат университети талабаси

**Аннотация:** Мақолада аҳолининг ижтимоий фаолиятида экологик онг ва маданиятни шакллантиришнинг маънавий асослари кўрсатиб ўтилган.

**Калит сўз ва иборалар:** Экологик маданият, экологик онг, иқтисодий фаолият, шариат конунлари, ижтимоий фаолият.

**Аннотация:** В данной статье показаны анализируется процесс формирования экологического сознания и культуры в социальной деятельности населения.

**Ключевые слова и выражения:** Экологическая культура, Экологическое сознание, экономические действие закон шерейта, социальное действие.

**Annotation:** In this article the formation of ecological consciousness and culture in social action of population are indicated.

**Key words and expressions:** Ecological culture, ecological consciousness, economic action, social action, rules of shariat, social activity.

Жамиятнинг ривожланиши, мамлакатимизнинг иқтисодий тараққиёти кўп жиҳатдан таълим –тарбия тизими ва унинг ёшлар маънавиятига, уларнинг билим савиасини шаклланишига боғлиқдир. Таълим ва тарбиянинг дидактик бирлигига асосланган таълим жараёни ва унинг барча бўғинларида замон талабларига жавоб берадиган ёшларни тарбиялашда замонавий илмлар билан бирга маънавий қадриятларни шакллантириш муҳим аҳамиятга эгадир.

Аҳолининг турли қатламларининг ижтимоий фаолияти жамият аъзоларининг эҳтиёжларидан келиб чиқади. Бу биринчи навбатда моддий эҳтиёжлар бўлиб инсон моддий эҳтиёжларини табиатдан олади ва таъминлайди. Табиатдан ўз эҳтиёжларига кўра яшаш воситаларини, манбаларини олиш жараёнида инсон бевосита ва билвосита табиатга таъсир кўрсатади. Мазкур жараён асрлар оша минглаб йиллардан буён давом этиб

келади ва бу давр ичida кўплаб табиий бойликлар инсон томонидан йўқ қилиб юборилди.

Табиатни бир бўлаги бўлган инсон шу табиат олдида ўз масъ улиятини ҳис қила оладими, табиий бойликларини фақат фойдаланувчи манбаа сифатида эмас балки унинг ноёб жиҳатлари муҳофазага ҳам мухтоҷлигини инсон тушуна оладими? Овчи ўз ўлжасини отаётганида шу нарсани ўйлайдими, ёки дарахт кесаётган одам уни ўрнига бошқасини ўстиришни ўз бўйнига оладими?. Биз аввало кишиларнинг ижтимоий – иқтисодий фаолиятида экологик муносабатларни шакилланишини экологик онгни

шакилланишига боғлиқ деб ҳисоблаймиз. Ижтимоий – экологик онг ижтимоий онгни муҳим таркибий қисми сифатида инсоннинг, умуман жамиятнинг табиатга бўлган муносабати ҳақидаги ижтимоий ҳис – туйғулар, фикр ва ғоялар қараш ва назариялар тизимирид. Ижтимоий тараққиётнинг турли босқичларида унинг мазмуни, шакилланиши ва ривожланиш даражаси турлича бўлади.

Ижтимоий – экологик онг мазмунан жуда бой ва кўп қирралидир. Акс эттириш даражасига намоён бўлиш шакли ва хусусиятларига кўра унинг назарийлашмаган, системалашмаган, ижтимоий психологик ва қундалик онг даражасига ажратиш мумкин. Ижтимоий экологик онгнинг назарийлашган қисмини муайян жамият унинг ижтимоий гурух ва қатламларида мавжуд бўлган ижтимоий – экологик ҳис – туйғулар, кечинмалар, ижтимоий – экологик анъаналар, ҳулқ – автор ва шунга ўхшашиб ижтимоий – психологик элементлар ташкил этса, унинг назарийлашган томони ижтимоий – экологик ғоялар, қарашлар, назария ва таълимотлардан иборатdir.

Жамият аъзоларида ижтимоий – экологик онгни шакиллантириш мураккаб жараён бўлиб, қуидаги вазифаларни ўз ичига олади. У кишиларни ўраб турган муҳит, табиатни севиш, уни ардоқлаш, поклигини сақлаш, ундан оқилона фойдаланиш руҳида тарбиялайди. Инсон ва муҳит, жамият ва табиатнинг ўзаро диалектик алоқадорлигини илмий тушуниш ва унга амал қилиш, бу ўзаро таъсир оқибатида юзага келган зиддиятларни бартараф этиш вазифаларини қўяди. Бундан ташқари у ноқулай ижтимоий – экологик холатни олдини ола билиш бутун инсониятнинг мулки бўлган дунё мусаффолигини таъминлаш ва унинг бойликларидан ҳозирги ва келажак авлод манфаатларини ҳисобга олган ҳолда самарали фойдаланиш зарурлигини чуқур ҳис қилиш, умуман инсоният цивилизацияси табиий моддий негизларига даҳлдор жаҳон жамияти муаммоларини ҳал этиш вазифаларини қўяди.

Ижтимоий – экологик онгнинг шакилланиши маълум даражада кишиларнинг турмуш шароитлари, яшаш тарзи ва хаётий тажрибалари заминида оъбектив суръатда стихияли тарзда шаклана борган бўлса, жамият тараққиётининг кейинги босқичларида ижтимоий – экологик онгни шакилланишида таълим - тарбиянинг, субъектив омилларнинг роли ортиб борди. Ҳозирги шароитда аҳолининг иқтисодий фаолиятида ижтимоий – экологик онг ва маданиятни шакиллантириш ва ривожлантириш учун кишиларга табиатдан фойдаланишнинг илмий асосларини ўргатиш, табиат бойликларидан оқилона фойдаланиш зарурлиги тўғрисидаги, табиат тақдири учун инсониятнинг маъсуллиги ҳақидаги юксак ҳис – туйғуларни ифодаловчи аҳлоқий жиҳатларни тарбиялаш лозим.

Ижтимоий – экологик онгни, маданиятни шакиллантиришда ҳалқ анъаналари ва урф – одатларини ҳам тарғибот қилиш катта аҳамиятга эгадир.

Жамият тараққиёти ишлаб чиқариш кучлари билан ишлаб чиқариш муносабатларини тубдан ўзгаришига олиб келади. Кишиларнинг иқтисодий фаолияти ижтимоий муносабатларни юзага келтиради. Бу муносабатлар кишиларнинг меҳнат қилиш жараёнидаги ўзаро муносабатларидан ташқари табиатга, унинг ресурсларига бўлган муносабатдан ҳам иборат бўлади. Бу муносабатлар негизида пайдо бўлган тежамкорлик, асрар – авайлаш, нобуд қилмаслик ёки ери сифатини яхшилаш, уни хосилдорлигини орттиришга харакат қилиш каби холатлар туфайли экологик муносабатлар экологик маданиятга айланиб боради.

Аҳолининг иқтисодий фаолиятида экологик маданиятни шакиллантириш энг аввало табиий ресурсларни ишлаб чиқариш жараёнига тортишдан олдин йўлга

кўйилади. Табиий ресурслар тугалланадиган ва тугалланмайдиган ресурсларга бўлиниб тугалланадиган ресурсларнинг айрим турлари, масалан: ўрмонлар, ер, сув, айрим ҳайвон турлари тикланиши мумкин. Тугалланмайдиган ресурслар бу иқтисодий фаолиятда чегарасиз фойдаланиш мумкин деган холосага олиб келмайди албатта. Табиий ресурсларга тўғри муносабатларни шакиллантириш, уларни нобуд бўлиши, атроф мухитни ифлослантириши холатларини хис қилишни ва бу эса тизимга айланишини талаб этади.

Ижтимоий – экологик онгнинг шакилланиши маданиятимиз ва маънавиятимизнинг тарихий манбааларида акс этган. Ҳалқимизнинг энг қадимги ва муқаддас китобларидан бири “Авесто” да инсонларни табиатга бўлган муносабати ҳақидаги кўрсатмалари бир неча минг йиллар ўтсада, ҳозир ҳам теран мазмунга бойлиги билан намоён бўлади, жумладан зардуштийлик манбаларидан бирида , - “Тоғ жилғаларидан биттасини қуригтан одам тангри душманидир” деб баён этилган [1.73].

Авестода табиат ва жамиятга бўлган ҳуқуқий муносабатлар ҳам баён этилиб, табиатга қарши жиноят: ер, сув, хаво, оловни асраш қоидаларини бузиш, ернинг унумдорлик холатига қарамаслик, атроф – мухитни муҳофаза қилиш қоидасини, жамоат ва шахсий гигиенани бузмоқ, боғ – роғ, резаворга зарар етказмоқ, сувни исроф қилмоқ, бетартиб бутазор яратмоқ, дараҳт ўтказмоқ каби жиноятларга тегишли жазо белгиланган. Шунингдек, ховуз, чашма ва ариқ бўйига мевали дараҳт ўтказиш маън этилган, чунки бир дона мева сувга тушиб чириса, сувни исътемол қилган киши касалланиши мумкинлиги кўрсатиб ўтилган. Ариқ ёки ховуз лабига мол боғлаган одам 25 қамчи калтаклаш билан жазоланган. Қабристонлар учун сув хавзаларидан узоқроқ жойлар танланган.

Хозирги кунга келиб, атроф – мухит ва табиатни муҳофаза қилиш бўйича ҳар бир давлатни қонун ва қоидалари, ҳалқаро ҳуқуқий маъёrlар яратилган ҳолда унга амал қилмаслик ўз манфаатини кўши давлатлар манфаатидан юқори қўйиш холатлари, содир бўлмоқда. Айниқса трансчегаравий сув манбааларидан фойдаланишда ҳалқаро ҳуқуқий меъёрлар бир ёқлама холатда бузилмоқда. Азалдан тарихи, дини, маданияти, урғ – одатлари бир бўлган бир дарё соҳилида жойлашган ҳалқларнинг экологик онги ва маданиятининг ҳам ўзаро ҳамжихатлик тамойилларига амал қилишни тақозо этади.

Дин ва шариат қонунларининг намунаси бўлган Мухтасар китобида “Бир киши фойдасиз ернинг атрофини чегаралаб, тошлар билан ўраб қўйса, аммо уч йилгача ундан фойдаланмаса, яъни мазкур ерни яроқли қилмаса хоким у ерни иккинчи кишига олиб берур”, деган кўрсатмалар ёзиб қўйилган. [2.238].

Шунингдек, мазкур манбаада – “Агар сувни боғлаб тўхтатмаса ери сув ичмайдиган бўлса ҳам – сувнинг юқорисидаги киши сувни бўғиб тўхтатишдан манъ қилинади, илло шерикларининг розилиги билан тўхтатса дуруст бўлар”, - деган ибратли жумлалар ёзиб қўйилган [2.336].

Юқоридаги келтирилган манбаалар ҳалқимизнинг хатто узок ўтмиш даврларида ҳам ҳуқуқий экологик онг ва маданиятига эътиборлари ўсиб бораётганлигига қаратганлигини асослаб беради.

Бугунги кунда аҳолининг ижтимоий фаолиятида экологик маданиятни маънавий ва ҳуқуқий асослари етарли даражада намоён бўлмоқда.

Мұхим жиҳатлар шундан иборатки, ахолининг экологик маданиятини ижтимоий фаолиятнинг турли соҳалари (таълим, тарбия, ишлаб чиқариш жараёни) да шакиллантириш, экологик маданиятни юксак маънавий қадриятлар, миллий анъаналар, урф – одатлар ва хукуқий асослар негизида ривожлантириш бугунги кунда халқимизнинг менталитетига, этноэкологик маданиятига мос жиҳатлар ҳисобланади.

Экологик онг эса жамият тараққиётининг барча босқичларида ривожланиб инсоният маънавиятининг бир қисмини ташкил этади.

Жамият аъзоларининг маънавияти, экологик мухитга нисбатан унинг табиат олдидаги хукуқ ва бурчларини белгилаб беради. Жамиятдаги ҳар бир фуқаро табиат бойликларидан давлатнинг қонунлари доирасида фойдаланиш билан бирга уни авайлаб асраш, тежамкорлик билан муносабатда бўлиш маъсулиятини ҳам унутмасликлари керак.

Мустақиллик йиллари табиатни муҳофаза қилиш ва ундан фойдаланиш бўйича республикамиизда 30 дан ортиқ қонунлар ва қоидалар қабул қилинди, натижада халқимизнинг экологик саводхонлиги ортиб бормоқда. Хукуқий экологик саводхонликни оммалаштиришда ташвиқот – тарғибот ишларини давр талаблари асосида олиб боришни тақозо этмоқда. Шу нуқтаи назардан экологик маданиятни юксалишида маънавият, маданият ва хукуқий билимларни мутаносиблиги амалий аҳамият касб этади.

Экологик таълимнинг долзарблиги мамлакатимиз табиати, экотизимлари, атроф-муҳитни бекарорлик ва издан чиқишдан асраш, ахолининг экологик маданиятини ошириш, ушбу ўта жиддий, ҳаётий масалаларга ахолининг барча қатламлари, айниқса, ёшлар ҳисса қўшиши зарурлиги билан белгиланади.

Хулоса қилганда, бугунги кунда глобал экологик муаммоларнинг кенг қўлам касб этиши, иқлим ўзгариши билан боғлиқ вазиятлар инсониятни экологик муаммоларга қарши курашни янги форматга олиб чиқишини талаб этмоқда. Жаҳонда табиатдан нооқилона фойдаланиш, атроф-муҳитнинг тозалигини бузилиши ҳам экологик барқарорликни ўзgartириб юбормоқда. Бу эса ҳар бир мамлакатда экологик барқарорликни таъминлаш стратегиясини ишлаб чиқишини ва экологик маданиятни шакллантиришни талаб этмоқда. Мана шундай вазиятда этноэкологик дунёкарашни шакллантириш халқларнинг табиатга онгли муносабати асосида шаклланган қадриятларидан экологик мувозанатни таъминлашда фойдаланиш вазифалари юзага чиқмоқда.

## Ислоҳотлар даврида фойдаланилган адабиётлар:

1. Авесто. – Тошкент., 2001.
2. Мухтасар (жамият қонунларига қисқача шарҳ) Тошкент.: Чўлпон, 1994.
3. Гумелёв Л.Н. Этногенез и биосфера Землию. Л:Гидрометеоиздат, 1990.